

سنه لکی درسعات ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانک محاکمات

آبونه اولقی استینار دأره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته دهه ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تَبْلِیغَات

قدس شریف سنجاغیه یافه قضاسنده تحدر
ایده جک دعوی تجاریه نك وقت وزمانیه فصل ورؤیتی
ایچون قضاء مذکورده بر تجارت محکمه سی تشکیلی خصوصه
بالاستیدان اراده سنیه حضرت پادشاهی شرفصدور
وسنوح بیوریه رق بوباده بیروت ولایتیه معلومات
اعطا و محکمه مذکوره اعضا و کتبه سنک سرعت
اتخابی اسبابنک استکمالی دخی ولایت مشار الیها
استیناف مدعی عمومیلکنه تبلیغ و انبا ایدلشد.

براقامتگاه داخلنده بولنان محکوم علیه ره مواد
جزائییه دأره لاحق اولان اعلامات غیابیه دن یالکتر
بر صورت تبلیغیه مقصد قانونی حاصل اوله جغندن
اقامتگاهلری بر اولان ایکی ویا دهها زیاده اشخاص
محکومه به بر نسخه اعلام صورتنک تبلیغیه اکتفا
ایدلسی حقدنه وان ولایتی محکمه استینافیه سی مدعی
عمومیلکنندن سبق ایدن اشعاره ، تبلیغ معامله سی مدار
تفئذ حکم اولان بر معامله مهمه قانونیه اولوب
محکوم علیه عدم تبلیغه دأره سرد ایلجه جکی ادعا
اهمیت قانونیه سی سببیه مقبول و مسموع بولندی
وتفئذ حکم ایچون محکوم علیه اعتذارینه میدان
قلمیه جق صورته اعلامک تبلیغی لازمه دن اولدی
حاله براقامتگاه داخلنده بولنان متعدد محکوم علیه ره
بر نسخه اعلام صورتنک تبلیغی ایله اکتفا اولنسی
اشبو مقصد قانونی تأمین ایده میه جکندن مواد
حقوقیه ده اولدیگی کبی اعلامات جزائییه نك دخی
آرو آرو محکوم علیه ره بر صورت تبلیغیه
اقامتگاهلری بر اولان محکوم علیه ردن هیچ برینک
عدم تبلیغ ادعاسنه میدان ویرلامسی لازم کله جکی
جواباً تبلیغ قلمشدر .

جانب میری به مدیون اولانلرک محکومیتلری
حقدنه صادر اولان اعلامات نظامیه نك اجرا سندن
اول وفات ایدنلرک اموال غیر منقولیه سی یکیدن

حکم استحصالنه حاجت قالمق سزین صاتیله بیلوب صا-
تیه میه جغه دأره وقوع بولان استفساره ، اعلامات
نظامیه ایله محکوماً وفات ایدن مدیونلرک ترکه لرندن
مبالغ محکوم بهانک اخذ واستحصالی حقدنه اخیراً
تقرر ایدن اصوله نظراً مطلوبی اعلام نظامیه به مربوط
اولان داینک ترکیه به مراجعتی اوزرینه مدیوندن
حال حیاتنده استیفای مطلوب ایتدیکنه دأره استظهاراً
اجرای تحاقیه مبالغ محکوم بهک دیون ترکه میانسه
قبول و ادخلی مقرر اولوب بو خصوصه ایسه داین
طرفی خزینه اولمسلیه یمین استظهار اجرا سنده محل
اولیه جغه بناء دیون متمازده دن اولان مطلوبات
خزینه نك موجود اعلامات نظامیه احکامنه استداداً
تحصیلی ضمننده اعلامات مذکورده نك موقع اجرایه
وضعی لازم کله جکی جوابی ویرلشد .

مَحَاکِمَاتُ مَقَرَّات

بر محکمه نك صلاحیت قانونیه سی فوق سنده
اوله رق دعوییه باقش و وظیفه و صلاحیتیه متعلق
خصوصاً صاده مدعی عمومینک مواجهه طرفینده
افاده شفاهییه سنی استماع ایلامش اولسی نقض
حکمی مستلزم بولندیغنه دأره محکمه تمیز استدعا
دأره سندن اعطا قلنان ۲۴ مایس سنه ۳۱۷
تاریخی اعلامک صورتیدر:

مرسین قصبه سی متمکنلرندن و تجاردن خروس
اوغلی دامیانوس و ارسلان اوغلی ائوینیدی و فراس اوغلی
یواناکی بیننده متکون دعوییه دأره مرسین سنجاغی
بدایت محکمه سی حقوق دأره سندن ویریلان ۲۱
تشرین اول سنه ۳۱۶ تاریخی اعلامک تمیزی مستدعی
عثمانلی بانقه سی وکیلی ژاق باروچی افندینک ویردیکی
عرضال و متفرعاتی باش مدعی عمومیلک مأموریت
بهیه سنک مطالعه نامه سیله برلشدیریلرک محکمه تمیز
استدعا دأره سنده لدی التدقیق اساس دعوی قابل

استیناف اولوب مدت استینافیه سنک اقتضاسیله اعلام
مذکور کسب قطعیت ایتدکن صکره تمیز دعوی
ایدلیدی و مدت و شروط قانونیه سنه دخی موافق
بولندیگی اگلا شامغله عرفحال من بورك بالقبول وظیفه به
متعلق اولان اعلام مذکور حقدنه تدقیقات تمیزی به
اجرا سنده ابتدار قلندی .

اعلام مذکورک مندرجاتنه نظراً عثمانلی بانقه سنه
جیرو ایدلش و پروتستوسی اجرا قلمش اولان امره
محرر بر قطعه سند موجبیه بانق مذکورک مرقومون
دامیانوس و لئوینیدی و یواناکی ذمتلرنده آلا جی
بولنان بیک عدد سیم مجیدینک استحصالی حقدنه
مرسین بانق شعبه سی دیرکتوری طرفدن لواء مذکور
تجارت محکمه سنده اقامه اولنان دعوانک رؤیت و تدقیق
محکمه تجارتک وظیفه سی داخلنده اولدیغنه قرار
ویرلش واشبو قرار ابتدائی اطنه تجارت محکمه سنجه
استینافاً بالتدقیق تصدیق ایدلش ایسه ده اولباده کی
اعلام استینافینک مدعی عمومینک مطالعه شفاهییه سی
التماش اولمسندن طولانی عندالتمیز نقض و اعاده
اولنسی متعاقب اطنه تجارت محکمه سی دعوانک حقوق
عادیه دن منبعث ایدوکی بیانیله اعلام ابتدائینک بالفسخ
عائد اولدیگی حقوق محکمه سنه مراجعت اولنسی لزومه
قرار ویرلش واشبو قرار استینافی دخی بانق دیرکتوری
جانبندن تمیز اولنغله جریان ایدن تدقیقات تمیزی به
تیجه سنده دعوی مباحوث عنهانک مرجع رؤیتی
محکمه تجارت اولدیگی کوستریله رک اعلام استینافینک
بکرار نقضیه کیفیتک اطنه تجارت محکمه سنه اعاده سنه
قرار ویرلیدی حاله اطنه تجارت محکمه سی دعوانک
حقوق محکمه سنه عأدتی حقدنه کی قرار منقوضنده
ثبات و اصرار ایلش اولسی اوزرینه بانق مذکور
دیرکتوری مرسین بدایت حقوق محکمه سنه بالمراجعه
اطنه تجارت محکمه سی محکمه تمیزک قرارینه قارشو
اصرار ایتدیکی جهتله حقوق محکمه سنه مراجعت
مجبوریت حاصل اولدیغندن بحثله مبالغ من بورك تحصیلی
طلب و دعوی ایتش ایسه ده اساس دعوی قانون
تجارت احکامجه جیرو و پروتستوسی اجرا قلمش
اولان امره محرر سنده مستنده و باخصوص عثمانلی

باقه‌سنة محول اولسنه مبنی دعوی مذکورہ نکرؤتی محکمہ تجارتہ عائد و حقوق محکمہ سنک وظیفہ سندن خارج اولدیغنه قرار ویرلدیکی اکلشلمشد.

لائحه تمیزیه‌ده مندرج اعتراضاتک باشلوجه‌سی مستند ادعا اولان سند امره محرر و صفت تجاریه‌یی حائز اشخاص طرفدن مضی‌ایسه‌ده حاوی اولدیغی دینک املاک بدل ایجاردن متولد اولدیغی متئده تصریح ایدلش اولسنه نظراً دعوی واقعہ نکرؤتی حقوق محکمہ سنک وظیفہ‌سی داخلده ایکن برمنوال محرر محکمہ تجارتہ عائدیتہ قرار ویرلمی مغایر قانون ایدوکی بیانیله اعلام مذکورک نقض استدعاسندن و مطالعه نامہ نکر مفادیده اساساً طرفین قانوناً تجارتک تعریف و توصیف ابتدکی صفت تجاریه‌یی حائز اولدیغی کبی مذکور سند دخی امره محرر اولسنه و معامله واقعہ دخی تجارتہ مقرون بولنسنه نظراً دعوی واقعہ نکرؤتی محکمہ تجارتہ عائد و بناءً علیه اعتراضات واقعہ غیر وارد کورنیدیکی بیاندن عبارت بولنشد.

ایجابی لدی‌الذاکره تشکیل محاکم قانونک التمش بشنجی ماده‌سی موجبہ مدعی عمومیلرک مداخله ایدہ جکری بومقوله وظیفه و صلاحیتہ متعلق خصوصاً صاته قرار ویرلزدن مقدم اولابده کی فکر و مطا لعلرینک مواجهه طرفیده استماعی قانون مذکورک یتش برنجی ماده‌سی حکمی اقتضاسندن ایکن مرسین حقوق محکمہ سنجه اشبو قاعده قانونیه دن بالذھول حاضر بولنديريلان مدعی عمومی معاوننک وظیفه حقنہ کی مطالعه‌سی آلتقسیمین قرار ویرلمی ورده بوخصوصک محاکمہ‌سی حقوق محکمہ سنه عائد اولدیغنه دائر اطنہ تجارت محکمہ سندن اولکی قرارینه مابین صورتده ایکنجی دفعه ویریلان اعلامک تمیزاً بالتدقیق مستند ادعا اولان سندن صورت تنظیمی و طرفینک صفی اعتباریه ایشک مرجع محاکمہ‌سی محلی تجارت محکمہ‌سی اولدیغی کوستریلرک اعلام مذکور نقض ایدلش و ذکر اولتان اطنہ تجارت محکمہ سنک اشبو نقض قرارینه تارشو حکم سابق منقوضده اصراری متضمن اخیراً برقطعه اعلام تنظیم و اعطا ایلدیکی طرفین متخاصمینک مرسین حقوق محکمہ سندنه سبق ایدن محاکمہ‌ری ائشاده وقوع بولان ادعا و مدافعانی جله سندن اولقله برابر اعلام مذکور دخی ابراز وادانہ قلمش اولسنه وشو حالده اطنہ تجارت محکمہ سنک استینافاً اصراری حاوی اعطا ایلدیکی اعلام اخیر مذکورک طرق قانونیه دائره سندنه تمیزاً تدقیق طلب و استدعا و التلق صورتیله ایشک بحر ای قانونیسنده جرای مقتضی بولنش اولسنه نظراً باق وکیلک سالف الذکر اعلام اخیر استینافیہ استناداً و وقوع بولان مراجعتک شو سبیدن طولای ردی لازم کور ایکن محکمہ تمیزدن تجارت محکمہ سنه

عائدی کوسترلش واطنه تجارت محکمہ سندن دخی دعوی حقوقيه دن اولدیغی اصرار طرفیله بالیان تجارت محکمہ سنک وظیفه‌سی خارجده ایدوکی اعلام قلمش اولان شو ماده نکرؤت و محاکمہ‌سی تجارت محکمہ سنه راجع اولدیغی بولنده و محاکمک تشکیلات حاضرہ‌سی ایجابجه درجات اوزریننه حائز اولدیغی صلاحیت قانونیه فوقنده اوله رق تکرار بدایه بر وظیفه قراری اعطاسیله رد اولنسی بولسز و مغایر اصول و قانون اولدیغندن اصول محاکمہ حقوقيه قانونک ایکی یوز اوتوز ایکنجی ماده‌سی موجبہ مدعی عمومی معاوننک مطالعه شفاهی‌سی استماع اولنامسندن ناشی اعلام مین بهک اتفاقله و ایکنجی سبیدن طولای اکثریتله قضیه صور مشروحہ و احکام قانونیه دائره سندنه ایقای معامله و التلق اوزره کیفیتک مرسین حقوق محکمہ سنه اعاده سنه وزیرده مفرداتی محرر درت یوز اون بش بچق غروش مصارف تمیزیه نکر بالآخره حقسز چقه جق طرفه راجع و التلق اوزره اول امرده مستدعی تمیز عثمانی باقہ سندن آلتسنه ۲۴ مایس سنه ۳۱۷ تاریخنده قرار ویرلدی.

حیانه قضاسنک چقور ویران قریه سندن حسین اوغلی عثمانک کیفیت جرح و قتلندن طولای جنایتله اتهام اولتان قریه مذکورلی حسین اوغلی ابراهیمک اون بش و کرد اوغلی حسین و موسی اوغلی عثمان و سلیمان اوغلی حسنک اوچر سنه مدتلہ کورک قوللرینه دائر انقره ولایتی استیناف محکمہ‌سی جزا دائره سندن ویریلان ۳۸۲ نومرولی اعلامک ۲۴ تموز سنه ۳۱۷ تاریخنده تصدیقه

ارمناک قضاسنک صاری و لیلر قریه سندن منلا محمدک کیفیت قتلندن طولای جنایتله اتهام اولتان قریه مذکورلی مصطفی اوغلی کریمک اون بش سنه مدتلہ کورک قوللسی حقنہ ایچ ایل سنجانی بدایت محکمہ‌سی جزا دائره سندن ویریلان ۲۱۲ نومرولی اعلامک ۷ مایس سنه ۳۱۷ تاریخنده تصدیقه

عادل جواز قصه سنک دیکس محله‌سی اھالیسندن آراکل اوغلی ستراک دکانندن اشیا سرقه‌ایمسندن طولای جنایتله متهم بولتان قصه مذکورک اورتہ محله سندن کرد رشو بن بکرک اوچ سنه مدتلہ وضع کورک ایدلسنه دائر وان استیناف محکمہ‌سی جزا دائره سندن ویریلان ۳۵ نومرولی اعلامک ۲۸ نیسان سنه ۳۱۷ تاریخنده تصدیقه

مویخو قریه سنه تابع ذبک قریه‌لی رسته ولد استویانی قتل ایلدیکی ادعاسیله متهم بولتان غاده قریه‌لی چویان دلو ولد دوزنک اون بش سنه مدتلہ کورک قولنسنه دائر مناسر استیناف محکمہ‌سی جزا

دائره سندن ویریلان ۱۷۳ نومرولی اعلامک ۳۰ تموز سنه ۳۱۷ تاریخنده تصدیقه

قره‌سی سنجانی داخلده بالیه ناحیه سنک قواق جدید قریه سندن صفر اغانک کیفیت قتلندن طولای جنایتله اتهام اولتان قریه مذکورلی حاجی اوغلی عبداللھک اون بش و علی بن عثمان ایلہ مصطفانک اوچر سنه مدتلرله کورک قوللرینه و ایدن اوغلی محمد علی و اوغللری طورسون و زینورک براتلرینه دائر لوای مذکور بدایت محکمہ‌سی جزا دائره سندن ویریلان ۱۷۰ نومرولی اعلامک ۲۳ حیران سنه ۳۱۷ تاریخنده تصدیقه

مارغلیج قضاسنه تابع غلبکی قریه سندن چویان صوئیرک رولور قورشوتیله جرحندن طولای جنایتله اتهام اولتان لرزان قریه‌سی اھالیسندن جقنچی یوان اوغلنک اوچ سنه مدتلہ کورک قولنسنه دائر پروژه سنجانی بدایت محکمہ‌سی جزا دائره سندن ویریلان ۹۴ نومرولی اعلامک ۳۰ تموز سنه ۳۱۷ تاریخنده تصدیقه

ریزه قضاسنه تابع سفیرک قریه‌لی چاوش اوغلی اسماعیلک جرح و قتلندن طولای جنایتله اتهام اولتان برادری حضرمک اون بش سنه مدتلہ کورک قولنسنه دائر لازستان سنجانی بدایت محکمہ‌سی جزا دائره سندن ویریلان ۲۳ نومرولی اعلامک ۱۰ نیسان سنه ۳۱۷ تاریخنده تصدیقه

پرشته سنجانک شایقوغه قریه سندن ایوازک کیفیت قتلندن طولای جنایتله متهم بولتان قریه مذکورلی محمد بن طاهرک اون بش سنه مدتلہ کورک قوللسی حقنہ لوای مذکور بدایت محکمہ‌سی جزا دائره سندن ویریلان ۱۴۵ نومرولی اعلامک ۱ مارت سنه ۳۱۷ تاریخنده تصدیقه

کوپرلی قضاسنک تکیه یار محله‌سی اھالیسندن محمدک قتلندن طولای جنایتله اتهام اولتان نظامیه سواری اون التنجی الاینک اوچنجی بلوکی افرادندن جعفر بن رستمک اون بش سنه مدتلہ کورک قوللسی حقنہ قوصوه استیناف محکمہ‌سی جزا دائره سندن ویریلان ۹۹ نومرولی اعلامک ۳ مارت سنه ۳۱۷ تاریخنده تصدیقه محکمہ تمیز جزا دائره سنجه قرار ویرلشد.

اوچوز اون یدی سنه‌سی تموزنک یکرمنجی جمعه کونی شیلہ قضاسنه تابع یکی کوی یوقاری محله سندنه واقع خرمن موقنہ ساکنه ناشانیسی قاترینه‌یی بالتصور جرح و قتل ابتدکی ادعاسیله متهم بولتان قریه مرقومہ‌لی لاز پوستول اوغلی نیقوله حقنہ اجرا قلسان محاکمہ نتیجه سندنه مرقوم نیقوله نکر مزبورہ‌یی جرح و قتل ابتدکی کندوسنک سبق ایدن اقراری و شاھدلرک علی الدرجات واقع اولان اخباراتی

آکاه بن حسنی ضرب ایدن آرابه‌جی خلیل بن علیدن بریوزک آلتونی آلہرق مضروبہ اعطاسنه حق دخولی اولدیغی حالده محمد بکک طوخنانه‌ده لوله‌جیلر ایچنده کی خانه سنه کیردیکی ادعاسیله مثنون علیه اولان فسجی سرکزک یکریمی درت ساعت حبسنه

یکدیگرکی ضرب و جرح ایتدکاری تحقق ایدن یاغ قبانی قایق‌جیلرندن ریزہلی سعید بن محمدک اون وعمر بن ایوبک اون بش کون حبسلرینه

یاقونی ضرب ایتدیکی ادعاسیله مثنون علیه اولان فانیله‌جی مارقو مارقادونک برهفته حبسنه

باغیوان چراغی مدانیله یتر و ولد آراستیدنک اسکدارده چارشو بوننده اتمکجی حاجی قره‌بک جیلندن برعدد عثمانی لیراسیله اون بش مجیدہ‌سی اخذ و سرقه ایلدیکی اقراریه تحقق ایتدیکندن اوچ ماه حبسنه و ختام مدتندہ ضبطه‌جہ کفالتہ رابطہ یکدیگرکی ضرب ایدن اسکدارده صولاق سنان محله سندنه ساکن ترکجی قالفہ‌سی توفیق بن صالح ایلہ آرابه‌جیورجیسی عبادہ بن محمدک و محله مذکوردهه مقیم غالب بن احمد و مرانغوز بارطینی لازاری ولد یوردان و قره‌حصارلی احمد بن حسنک و بغوردجی قره محمد ایلہ حاباز سالک بر هفته حبسلرینه

اسکدارده حسن اغانک قهوه سندنه یتوت ایدن جمال غالب بن مصطفانک انقره‌لی مریمی جرح ایلدیکی مرتبه نبوتہ واصل اولدیغندن اون کون حبسنه قومیسونجی نیقولا کینک اشیا‌سی سرقه ایلدیکی ادعاسیله مظلوناً موقوف بولان ارزنجانی سلیمان بن فرهادک تاریخ توقیفندن اعتباراً اوچ ای حبسنه

کوفه‌جی محمدی ضرب ایتدیکی ثابت اولان اسکدارلی قداقچی محمد بن عبداللھدن بر مجیدی التونی آلہرق مضروبہ ویرلمسنه

بک اوغلی بولیس قومیسرلرندن شاکر افندی ایلہ نظمی اقدیلرہ اجرای وظیفه حالده اطالہ لسان ایتش اولان بک اوغلنده ایرانی عبد اللھیک قهوه خانه سندن یتوت ایدن پاسقال ولد اندونک بر ای حبسنه جهانگیرده ساکن علی بن خلیلک معونه‌جی محمد اغانک بورغانی سرقه ایلدیکی ثابت اولدیغندن اوچ ماه حبسنه و ختام مدتندہ ضابطه‌جہ کفالتہ ربطه قاسم پاشاده ساکن قرغانجی عثمان بن احمدک باغیوان استاوری ولد یورکیه تشہیر سلاح ایلدیکی اکلشلیغندن برهفته حبسنه

بک اوغلنده تو قادیان غازیونسنک قارشوسندنه لوستره جیلک ایدن عبد الباکی بن عباسک اچہ‌سینی طولاندرمش اولان محمد جمال بن حاجی ادمھک اوچ ماه حبسنه

و معاینه راپوری مندرجاتی و سائر دلائل و امادات ایلہ ثابت اولوب آلتیج قتل مذکورک بالتصور وقوعنه دائر احواله دسترس اولنہ مایغندن کندوسنک بالتور قتل فعلنک فاعلی و التلق اوزره مجرمیتہ و جزا قانوناً ہما یوننک یوز یتش دردنجی ماده سنک فقره اولاسنه توفیقاً اون بش سنه مدتلہ کورک قولنسنه محکمہ جنایچه حکم اولنشد.

تراموای اداره‌سی مفتشلرندن میتیادی‌یی ضرب ایلدیکی ادعاسیله مظلون اولان برنجی دائره بلدیہ املاک مختلرندن مانوق افندیدن درت آلتون آلہرق مضروب ملتیادی‌ہ اعطاسنه دائر بک اوغلی بدایت محکمہ‌سی جزا دائره سندن ویریلان اعلامک فسخیله مومی الھیدن بر آلتون آلہرق مرقوم ملتیادی‌ہ اعطاسنه استیناف جنجه محکمہ سنجه قرار ویرلشد.

چولہ قالفہ‌سی ازیمیری علی بن حسنی ضرب ایدن آیدینی عبادہ بن کریمک اون کون حبسنه

یندنه اوتوز آلتی عدد بکک فشنک ظهور ایدن بالقجی صرافیمدن باروت نظامنه جدیدینک اون بشنجی ماده سنه توفیقاً مذکور فشنکر بدلارینک ایکی مثلی اولان قرق بر غروشک جزای نقدی اوله رق اخذینہ

قیل بروننده ساکنه قاتینہ‌یی ضرب ایلدیکی ادعا سبلہ مظلون علیه اولان جمال علقو ولد جوزہ فونک اون بش کون حبسنه

بک اوغلنده اغا جامعندہ امام زقاعندہ فرانسوانک آخوردن یتوت ایدن قره حصارلی خلیل بن عمرک نام آخره اولان مرور تذکرہ سبلہ تذکرہ عثمانیہ‌یی استعمال ایتش اولدیغی اقراریه ثابت اولدیغندن مرور نظامنه سنک اون سکرنجی ماده‌سی موجبہ کندو سندن اوچ بشلک جزای نقدی اخذینہ

الما طاعندہ دره ایچنده ساکنه خدیجیہ اطالہ لسانده بولتان طومانی قادینک اوچ کون حبسنه

زوجه‌سی عایشہ‌یی ضرب ایتدیکی اقراریه ثابت اولان اسحق پاشاده سراجخانه زقاعندہ ترزی روحندن ایکی آلتون آلتوب مزبورہ عایشہ ویرلمسنه

صالمہ طومرقده باغیوان زقاعندہ ساکن یاغقو ولد نیقولی‌یی ضرب ایدن بارکیرجی دیوریکلی عارفک اون کون حبسنه

یاقو نام دیگر فائل ولد ایساقک ییغاقچی طرزولی حسن بن مصطفانک سرکیسندن ییچاق سرقه ایتدیکی ثابت اولدیغندن اوچ ای حبسنه و ختام مدت جزا نیہ سندن ضابطه‌جہ کفالت آلتنہ آلتسنه

مسکجی مصطفی بن حاجی قدیری ضرب و جرح ایدن کوفه‌جی صربرکلی علی بن عمرک برهفته حبسنه

یکدیگرکی ضرب ایتدکاری ادعاسیله مثنون اولان دوه کورجیسی خربوطلی قره‌جہ بن محمد علی و کورجی شپولی رمضان بن عمر و فاتح طومبه جیلرندن خربوطلی شعبان بن عمر و آشجی کورقورک زوجه‌سی سروی و قوندوقور فیلوسنک زوجه‌سی آنا قادینک بر هفته حبسلرینه

طوخنانه‌ده اتمکجی بائی محله سندنه ساکن برمقلجی کاظم بن مصطفانک خالد افندی‌ہ اطالہ لسان ایتدیکی شهادتہ ثابت اولدیغندن اون کون حبسنه درسعادت و بک اوغلی و اسکدار بدایت محکمہ‌ری جزا دائره لرنجہ قرار ویرلشد.

مخبریات انتباهیه

فضاحت لسانیہ جرائی خمس سنجانی بدایت محکمہ‌سی جزا دائره سنجه اجرا قلسان تحقیقات ایلہ ثابت اولان محمد هدایت نام شخصک امثالی وجهله موقتاً قلعه بند ایدلک اوزره عکایہ اعزامی باب عالیجه تسبیب ایدلش و مقتضاسنک ایقایی طرابلس غرب ولایتی استیناف محکمہ‌سی مدعی عمومیلکنه اشعار قلمشدر.

فضاحت لسانیہ جرائی اصولاً ثابت اولان احمد القشاشک امثالی وجهله موقتاً قلعه بند ایدلک اوزره عکایہ اعزامی باب عالیجه تسبیب ایدلش و ایجابنک اجرائی خصوصی سوریه ولایتی استیناف محکمہ‌سی مدعی عمومیلکنه ازار اولنشد.

اعلانات

محکمہ منابت ریاستندنه:

ارباب فساددن اولدقاری ادعا قلمسندن طولای جنایتله متهماً موقوف بولتان آرداش ولد آغوب آتقیه‌جیان و آغوب ولد استبان لامبه‌جیان و علكسان ولد قره‌بت نعلبندیان و اوخاسن ولد قره‌بت شامیان و ویرام شابوح ولد قره‌بت سرویان و ونشان ولد آغوب میقالیلانک شریک تہیتی اولوب قومقو نشانجه سندنه دوقورشیشمالانک خانه‌سی قارشوسندنه برخانہ‌ده اقامت ایتکنه ایکن فرار ایتش اولان اورتہ بویلی سیاه قاش و کوزلی اوافق دوز برونی عادتاً سیاه بیقلی عادتاً آغز وچکلی واسمر و مدور چهرہ‌لی صنایع نفیسه مکنتی مأذونلرندن خرانت قره‌کوزیان

دردست اولنه مامش اولديغدن تاريخدن اعتبار آجانب رياستدن کندوسنه اون کون مهل اعطا قلمشدر . مهل ممين ظرفنده کلدیکی حالد قانونه اطاعت ايتماش نظريه باقيله رق حقوق مدنيه دن اسقاط قانه جنى ومحاكمة غياييه سى ائنده اموالى حيز ايد . يله جکی وبو صروده برکونه ادعايه حق اوله ميه جنى وعلينده دعوايه قيام اوله جنى وبالجملة ضابطه عدليه مأمورلرينک کندوسنى طومتغه مجبور بولندقلرى امرى اعطا ومتهمک املاکى حيز اولنق اوزره مدعى عموميلکه تبليغات مقتضيه اجرا ايدلديکی جهته اصول محاکات جزائيه قانوننک اوچيوز تيمش برنجى واوچيوز تيمش ايکنجى ماده لرندن استنباط اولان احکامه توفيقاً اشبو قرار نامه اعلان اولنور .

في ۳۰ تشرين اول سنه ۳۱۷

درسمات استيفاف محکمه سى مدعى عمر ميلکنده :

اوچيوز اون آلتى سنه سى مارتنک اونجى کيجه سى آلاجه حمامده ليليجى خانى قارشوسنده کائن استيجار ايتديکی سيغورطه لى اجزا مغازه سنى سيغورطه بدلندن استفاده امليله قصداً احراق ايلديکی ادعايله مظنون اولان التى مرمرده سيد عمر محله . سنده ايکى نومرولى خانه ده متصرفاً ساکن اوزونجه بويلى ، الا کوزلى ، قره قاش وصاچلى ، قره بيقلى ، اورته اغر وبرونلى ، بروشيق آلينلى وسيورى چکلى ، اسمر يوزلى تخميناً يکرمى ايکى ياشلرنده اسکيلوس ولد پنايوط فرار ايتسندن وحقنده اجرا ايديلان تحقيقات اوزرينه هيئت اتهاميه جه جنائتله اتهام ايدلسندن ناشى اصول محاکات جزائيه قانوننک اوچيوز تيمش برنجى واوچيوز تيمش التيجى ماده لرى موجبجه معامله مقتضيه ومحاكمة غياييه سى بالا اجرا مرقومک قانون جزانک يوز التيمش اوچنجى ماده سنه توفيقاً مؤبداً کورکه قونلسنه وسيغورطه بدلندن استفاده ايدمه مامسنة واوتوز برنجى ماده قانونيه منطو . قنجه حقوق مدنيه دن اسقاط قلمسنة وذاتاً حيزينه قرار ويرلمش اولان اموالنى اداره ايتديرلمسنة محکمه جانيستن حکم اولنمش واصول محاکات جزائيه قانوننک اوچيوز تيمش يدنجى واوچيوز سکسان برنجى ماده لريله مواد سائر سى احکامه توفيق معامله اولنمى مرجعنه بيلديرلمش اولمغله اوچيوز تيمش سکزننجى ماده سى موجبجه اعلان كيفيته ابتدار قلندى .

اوچيوز اون يدى سنه سى مایسنک يکرمى بشنجى کيجه سى قائمه کوينک باغلرى جوارنده سودجى وانکک اوکنه چيقوب معامله جبر وشدت اجرا سيله ايکى رأس بارکينى سرقت ايتديکی ادعايله مظنون

اولان اسماعيل فرار ايتسندن وحقنده اجرا اولان تحقيقات اوزرينه هيئت اتهاميه دن جنائتله اتهامه قرار ويرلمسندن ناشى اصول محاکات جزائيه قانوننک اوچيوز تيمش برنجى ماده سى موجبجه معامله مقتضيه ايفا ومحاكمة غياييه سى بالا اجرا قانون جزانک ايکى يوز يکرمى برنجى ماده سنه توفيقاً اوچ سنه مدته کورکه قونلسنه واوتوز برنجى ماده قانونيه منطوقجه حقوق مدنيه دن اسقاط قلمسنة وذاتاً حيزى قرار . لشديرلان اموالنى اصول محاکات جزائيه قانوننک اوچيوز تيمش يدنجى ماده سى موجبجه اداره ايتديرلمسنة محکمه جانيستن قرار ويرلمش وماده مذکوره ايله اصول محاکات جزائيه قانوننک اوچيوز تيمش سکزننجى واوچيوز سکسان برنجى ماده لريله مواد سائر سى احکامه توفيق معامله اولنمى مرجعنه بيلديرلمش اولمغله اعلان كيفيته ابتدار قلندى .

اعلامات نظاميه اجرا داره سنده :

محمد نورى افندينىک با اعلام نظامى صوفيه قالاتاپولويه دينى اولان مبالغ معلومه نك تأمين استيفاسى ايجون مرهون وفروختى محکوم بيک اوچيوز اون آلتى سنه سندن بيک اوچيوز يکرمى طقوز سنه سى نهايته دکن قوپونلرى اوزرنده بهرى يکرميش عثمانلى ليراسى قيمتنده (۶۶۵۶ و ۶۶۶۰ و ۶۶۷۲ و ۶۶۸۸) نومرولرله مرقم درت عدد شرکت خيره يکى حصه سندنک بيک اوچيوز اون يدى سنه سى تشرین ثانیسنک برنجى پنجشنبه کونى ساعت يديده غلطه ده بورس خاندن بالمزايده فروخت اوله جنى درسعات اعلامات نظاميه اجرا داره سندن اعلان اولنور .

في ۲۷ تشرين اول سنه ۳۱۷

تجارت بحريه محکمه سنده :

غاطه ده سالانىک خاندن ۱۱ و ۱۷ نومرولى مغازه لرده ساکن مفلس چوقه جى استريو و اقالوپولو ذمتنده آلاجنى اثبات ويا موقتاً قبول وقيد ايتديرمش اولان آله جقيليرک قانوننامه تجارتنک ايکى يوز اون برنجى وآنى ولى ايدن ماده سى موجبجه مفلس مرقوم طرفدن تکليف اوله جق قونفوردا تونک مذاکره . سيچون اشبو تشرین ثانینىک يدنجى چهارشنبه کونى ساعت يدى راده لرنده محکمه تجارت بحريه نك افلاسه مخصوص اوطه سنه کللى اعلان اولنور .

في ۳۰ تشرين اول سنه ۳۱۷

محکمه تجارت اجرا داره سنده :

مأمورين ملکيه قوميسيونى محاسبه مأمورى عزتلى على کالى افندينىک محمودپاشاده مختار پاشا خاندن او توز

يدى نومرولى اوطه ده مقيم اغنام تجارندن قارصلى شيخى زاده احمد اغا ذمتنده ايکنجى محکمه تجارت اعلاميه محکوم به آلاجنى اولان مبالغ تأمين استيفاسى ذمتنده مديون مومى اليهک عهده تصرفنده اولوب حيز آلتنه آلتان باب على جوارنده نعللى مسجد محله سنده کلخن زقاغنده واقع ايکى نومرو ايله مرقم فوقانى وتحتانى اون سکز اوطه يى ومشمولات سائر يى حاوى عدليه خانى ديمکه معروف کارکير خان ايله مذکور خانک اتصائنده وعدليه جاده سنده سکز نومرو ايله مرقم فوقانى وتحتانى يدى اوطه ومشمولات سائر يى حاوى مقدما مطبعه اليوم اوتنک وآلتنده ايکى نومرو ايله مرقم بربر دکانى و اليوم قهوه دکانى ملکنىک ودرونده مستقر نظاملو برعد بربر کدکنک ربع حصه لرى ايله مذکور اوتل آلتنده اليوم مرانغوز دکانى درونده مستقر آشجى کدکى ربع حصه سنک فروختى مقرر اولوب تاريخ اعلاندن اعتباراً اون بش کون صکره موقع مزايده وضع اوله جغندن اشتراسه طالب اولانلرک ودها زياده معلومات آلق ايسيتيانلرک محکمه تجارت اجرا داره سنه مراجعت ايللرى دائرة مذکوره دن اعلان اولنور .

في ۲۹ تشرين اول سنه ۳۱۷

ايکنجى محکمه تجارنده :

ميدانجقده اکسانتوپولوس خاندن ساکن جافنس تاجرى ژان قره يانيديسک ۳۱ تشرین اول ۳۱۷ تاريخندن اعتباراً افلاسنه ومعاملات افلاسيه نك ايفاسى ذمتنده اعضاى محکمه دن سعادتلو رضا بک افندينىک ژور قوميسر ودعوى وکیللرندن سليم حسنى وزا قاريان کيرقور افنديلرک موقت سنديک تعيننه ومفلسک تجارتکاهنک تمهيره کندي وفاملياسنه الزم قسمنک تفریقندن صکره متباقى اشياى بتيه سنک ثبت دفتر ايديله رک محافظه سنه واشبو قرارک موقتاً اجرا سنه درسعات ايکنجى تجارت محکمه سندن قرار ويرلديکی جهته قانوننامه تجارتنک ۱۷۰ نجى ماده سى موجبجه مفلس مرقوم ذمتنده آله جنى اولانلرک موقت سنديکلرک اصله تحويلى ويا خود يکيدن سنديک انتخاب وتعيني حقنده مومى اليه ژور قوميسر افندى ايله استشاره اولنق اوزره اشبو ۱۳۱۷ سنه سى تشرین ثانیسنک ۱۵ نجى پنجشنبه کونى ايکنجى تجارت محکمه سنک افلاس اوطه سنه کللى اعلان اولنور .

في ۳۱ تشرين اول سنه ۳۱۷